



Veafjorden Invest AS
Lågaskarvegen 9
5724 STANGHELLE

Referanser:

Dykkar:
Vår: 21/265 - 21/1951

Saksbehandlar:

Tore Henrik Øye
tore.henrik.oye@vaksdal.kommune.no

Dato:

05.03.2021

Tildeling av serveringsløyve til Veafjorden Invest AS for drift av pizzarestauranten Slice, gbnr. 20/485 Lågaskaret 9, Stanghelle.

Delegert vedtak. Saknr: 05/2021

Saksutgreiing

I søknad av 18.02.21 søker Veafjorden Invest AS, v/ Torje Midtsæter, om serveringsløyve for drift av pizzarestauranten Slice, med Lågaskaret 9, 5724 STANGHELLE som forretningsadresse.

Søknaden er fremja på Vaksdal kommune sitt skjema for «Serverings/-og eller skjenkeløyve (KF-123), med følgjande vedlegg:

- Firmaattest frå Brønnøysundsregistra.
- Etablerarprøve for serveringsverksemd - bevis.
- Planteikning for serveringsstaden.
- Bilete av egedomen/bygget.

Søklar er registrert som aksjeselskap i «Foretaksregisteret», med organisasjonsnummer 926571133 og sektorkode 2100 «Private aksjeselskap mv». Sal av mat og alkohol er oppført som aktivitet.

Aksjeselskapet skal nytte serveringslokale på gbnr. 20/485 i si drift. Egedomen har i følgje grunnboka godkjend bygning for cafe-/restaurantdrift, med overnattings- og serveringsverksemd som næringsgruppe. I dette høve vart søknad til bygningsmynde i Vaksdal kommune godkjend den 01.01.14 (knytt til anna føretak), og det er drive serveringsverksemd i bygget ved fleire høve.

Torje Midtsæter er sett opp som dagleg leiar for verksemda. Han har godkjend etablerarprøve for drift av serveringsverksemd frå 18.02.21, stadfesta av Kvam herad, jf. vedlegg til søknaden.

Verksemda har planar om følgjande opningstider:

- Torsdag : kl. 15:00 - 23:00.
- Fredag : kl. 13.00 - 03.00.
- Laurdag : kl. 10:00 - 03.00.

Søkjar opplyser at det er ønskeleg med servering av mat fram til stengjetid.

I tillegg til vanleg servering, skal cateringverksemd og utleige av lokale til ulike arrangement/selskap inngå i selskapet si drift.

Det vert lagt opp til inneservering heile året, og uteservering i perioden mars - oktober. Det er 50 sitjeplassar på kvar stad. Terrassen der uteserveringa skal skje, er avgrensa med levegg mot området rundt.

Det er bustadområde i nærleiken av serveringsstaden.

Lovgrunnlag/rammer

- «Lov om serveringsvirksomhet (serveringsloven)» LOV-1997-06-13-55, med forskrift.
- Rusmiddelplan for Vaksdal kommune, sist oppdatert 20. februar 2000 (gjeld skjenkeløyve).

Saksframstilling

Kommunedirektøren finn at søknaden er tilstrekkeleg opplyst for ei sakshandsaming etter serveringslova, jf. § 8. Det er ikkje funne naudsynt å spørje om leigekontrakt, finansieringsplan eller driftsbudsjett.

Kommunen har retta førespurnad til Skatt Vest, Voss lensmannskontor, NAV Vaksdal og Mat-tilsynet etter § 6 i serveringslova. Det kom ikkje fram tilhøve som talar mot å gje serveringsløyve.

Søknaden om serveringsløyve ligg innanfor serveringslova sitt virkeområde, jf. § 2. Føretaket innfrir kravet til dagleg leiar etter § 4 i lova, og til godkjend etablerarprøve etter § 5. Vidare går det fram at søkjar har vesentleg innverknad på verksemda i høve til § 7 i lova. Serveringsverksemda ligg i godkjend lokale for driftføremålet.

I følgje serveringslova § 15 første ledd, kan kommunen fastsetje opningstider for serveringstader i eiga forskrift. Vaksdal kommune har ikkje ei slik forskrift. I dette høve vert det vist til «Rusmiddelplan for Vaksdal kommune», sist oppdatert i februar 2006, med retningslinjer for sal og skjenking av alkohol. Skjenking av øl og vin kan i følgje planen skje fram til kl. 01.00, om ikkje anna er sagt. Planen seier vidare at skjenkeløyve er knytt opp til vilkår om matservering, og at serveringsstader bør ha kjøkken som held ope minimum 2 timar før lukkingstid. Ut over dette tek ikkje kommune-

direktøren stilling til opningstider, men viser til eige vedtak om skjenkeløyve, med rammer for skjenketider.

Plassen som skal nyttast til uteservering, er delvis skjerma frå omgjevnadane. Den er òg nytta til liknande føremål ved tidlegare høve. Kommunedirektøren kjenner ikkje til at det har oppstått uheldige omstende som følgje av uteservering, og har ikkje spesielle merknadar til planane, ut over at det må takast omsyn til dei som bur i nærleiken.

KONKLUSJON

Med bakgrunn i føremålet i serveringslova, jf. § 1, vert det funne grunnlag for å tildele serveringsløyve til Veafjorden Invest AS for drift av pizzarestauranten Slice på Stanghelle (Lågaskaret 9).

Vedtak

Med heimel i «Lov om serveringsvirksomhet» § 3 først ledd, jf. § 1, får Veafjorden Invest AS, ved Torje Midtsæter, serveringsløyve for drift av pizzarestauranten Slice i godkjend næringsbygg på gbnr. 20/485, Lågaskaret 9 på Stanghelle i Vaksdal kommune.

Løyyet gjeld også uteservering, cateringverksemd og utleige av lokale til ulike arrangement/selskap.

Krava i serveringslova §§ 4 til 6, jf. § 7, skal til kvar tid vere oppfylt. Om ikkje, kan kommunen trekkje serveringsløyvet tilbake, jf. § 19 i lova.

Løyvehavar skal straks melde frå til kommunen om eventuelle endringar knytt til drifta, jf. § 14 i serveringslova.

Dersom serveringsstaden er ute av drift i meir enn eitt år, eller om den ikkje er i drift eitt år etter at løyvet vart gjeve, fell serveringløyvet bort etter serveringslova § 25.

Mynde

Saka er handsama og avgjort administrativt i medhald av delegart mynde, jf. kommunelova § 23 nr. 4 og gjeldande delegeringsreglement for Vaksdal kommune.

Klage

Vedtaket er eit enkeltvedtak etter reglane i Lov om offentleg forvaltning. Vedtaket kan klagast på til kommunen, jf §§ 28-36. Klagefristen er 3 veker frå den dato De vart gjort kjend med vedtaket. Klagen skal vere skriftleg, og må grunngjevast.

Med helsing

Helge Berset
Kommunalsjef Samfunnsutvikling

Tore Henrik Øye
Rådgjevar landbruk

Brevet er godkjent elektronisk og har difor ingen underskrift.

Kopi til:

Helge Berset
Lin Tove Thomassen

Mottakarar:

Veafjorden Invest AS

Lågaskarvegen 9

5724

STANGHELLE